

ADOLAT



IJTIMOIIY-SIYOSIIY GAZETA

adolat_gazeta@message.uz

www.adolat.uz

№ 5 (917)

2013-yil, 8-fevral, juma

«Йилнинг энг яхши фойдали модели»

андижонлик олимларнинг
ихтироси шундай номга
лойиқ топилди

Инновация

Андижон давлат университетининг физика кафедраси олимлари томонидан ихтиро қилинган «Күёш генератори» ишланмаси 2012 йилги «Янги интеллект» республика танловида «Йилнинг энг яхши фойдали модели» деб топилди. Инновацион ғоялар, технологиялар ва лойиҳалар V Республика ярмаркасида истеъмолчилар томонидан юқори баҳоланган ушбу янги ишланмани мамлакатимизда йил сайин ривожланиб бораётган тадбиркорлик ва ишлаб чиқариш субъектларида кичик қувватли электрон қурилмаларни энергия билан таъминловчи манба сифатида қўллаш мумкин. Жаҳонда мавжуд аналогларига нисбатан мазкур күёш генераторини тайёрлаш учун қимматбаҳо кремний хомашёси уч баробар кам миқдорда сарфланиши билан афзалдир.

Жаҳон молиявий инқироzi оқибатларини бартараф этишнинг мақбул ечимларидан бири иқтисодийтн замонавий инновацион технологиялар асосига қуриш ва уни янги талаблар асосида доимий ривожлантириб бориш эканлигини бутун дунё иқтисодчилари таъкидлашмоқда. Инновацияга асосланган иқтисодни эса фақатгина ишлаб чиқаришнинг энг муҳим тармоқлари муаммоларини чуқур тадқиқ этиш, истиқболли илмий ихтиро ва янгиликларни амалиётга татбиқ этиш орқали қуриш мумкин.

Бу жараёнда иқтисодийтнинг энг муҳим тармоқларини модернизация қилиш ва диверсификациялаш, олий таълим муассасалари ва илмий тадқиқот институтларининг моддий-техник базасини тако-

миллаштириш ҳамда малакали кадрлар тайёрлаш тизимини босқичма-босқич такомиллаштириш орқали иқтисодий-тимиз ривожига ўз ихтиролари, инновацион ишланма ва лойиҳалари билан ҳисса қўша оладиган, замонавий билим-кўникмаларга эга малакали кадрлар тайёрлаш муҳим аҳамиятга эга. Бугунги кунда нафақат пойтахтдаги олий таълим муассасалари ва илмий тадқиқот институтлари, балки вилоятлардаги олий ўқув юрталарининг ҳам илмий салоҳияти юксалиб, ёш олимлар ва тадқиқотчилар томонидан ишлаб чиқаришнинг долзарб муаммоларини ҳал этишга қаратилган ишланма ва ихтиролар яратилмоқда.

3 ➤



Хорижий тилларни билиш — давр талаби

Қарор ва ижро

Пойтахтимиздаги немис тилига ихтисослашган 60-умумтаълим мактабининг 15 нафар ўқитувчиси Ўзбекистон Халқ таълими вазирлиги ҳузурдаги Мультимедиа умумтаълим дастурларини ривожлантириш марказида «Интерфаол доскалар билан ишлаш мураббий» йўналиши бўйича ўқитилди. Бу эса ўқув муассасида хорижий тилларни ўзлаштириш жараёнига энг замонавий ахборот технологияларини жорий этиш имконини беради. Хусусан, интерфаол доскалар имкониятларидан фойдаланиш хорижий тилларни ўқитишни янада самарали ва сифатли бўлишни таъминлабгина қолмай, уни ҳар бир болани қизиқтириб қўядиган завқли ўйинга айлантиради.

Президентимизнинг 2012 йил 10 декабрда қабул қилинган «Чет тилларни ўрганиш тизимини янада такомиллаштириш чора-тадбирлари тўғрисида»ги қарорига мувофиқ, 2013-2014 ўқув йилидан чет тиллар умумтаълим мактабларининг биринчи синфларидан ўйин тарзидаги дарслар ва оғзаки нутқ дарслари шаклида, иккинчи синфдан эса, алифбо, ўқиш ва грамматикани ўзлаштириш бўйича босқичма-босқич ўқитила бошланади. Мазкур ўзгаришларни амалга оширишда хорижий тилларга ихтисослашган давлат умумтаълим мактаблари муҳим роль ўйнайди.

Мактабда немис тили дарс-

лари иккинчи синфдан бошлаб ўқитилади. Ушбу фан учун ҳафтасига олти соат ажратилган. Оддий умумтаълим мактабларидан фарқли равишда, бу ерда болаларда муайян лугат бойлигини шакллантириш ёки грамматика қоидаларидан тўғри фойдаланишга эришиш бош мақсад этиб қўйилмайди. Энг аввало, болалар немис тилида сўзлашишни, ундан кейин эркин мулоқот қилишни ўрганиши лозим. Ўқитиш тизими тўла банд бўлиш ва автоматик тарзда эслаб қолиш принциплари асосига қурилган. Дарслар немис тилида ўтилади, болалар зарур сўз ва ибораларни автоматик тарзда эслаб қола-

ди ва грамматикани ўзлаштири боради.

Ўқиш жараёни бир неча босқичдан иборат бўлиб, ҳар бир босқич якунида болалар имтиҳон топширади ва таълим жараёни якунида уларга тегишли диплом берилади. Давлат аттестатидан ташқари уларга сертификат ҳам топширилади. Унинг асосида тўққизинчи синфни тугатган битирувчилар тил йўналишидаги хорижий ўқув муассасасига немис тилидан имтиҳонсиз ўқишга кириш ҳуқуқига эгадир.

Суратда: ўқувчилар машғулот пайтида.

А.ЁҚУБОВ (ЎЗА) олган сурат

Зиммамиздаги масъулият амалий ишларга ундайди

Депутатлик гуруҳларида

Электорат манфаатини ҳимоя қилиш, сайловчиларнинг ҳаётий муаммоларига ечим топиш, қабул қилинаётган қонун ва қарорлар, ҳудудларни ижтимоий-иқтисодий ривожлантириш дастурининг ижросини назорат қилиш ҳамда халқ депутатлари маҳаллий Кенгашлари сессияларида муаммоли масалаларни кўтариб чиқиш бугунги кунда ҳар бир депутатнинг асосий вазифаси ҳисобланади.



Ана шу мезонлардан келиб чиқиб, халқ депутатлари Бухоро вилоят, туман ва шаҳар Кенгашларига Ўзбекистон «Адолат» СДПдан сайланган 39 нафар депутатларимиз ҳам ҳудудларда амалга оширилаётган ижтимоий-иқтисодий дастурларнинг бажарилиши ва партияимиз электорати манфаатларини ҳимоя қилишда фаоллик кўрсатишмоқда. Бунда кам сонли бўлса-да, Жондор туман Кенгашидаги депутатлик гуруҳимизнинг алоҳида ўрни бор.

Таъкидлаш лозимки, депутатлик гуруҳимизнинг маҳаллий аҳамиятга молик, электоратимизни ўйлантираётган ижтимоий-иқтисодий муаммоларини ўрганиш ва уларга ижобий ечим топишда бошлангич ташкилотлари ҳамда вилоят партия Кенгаши билан йўлга қўйилган ўзаро ҳамкорлиги ижобий самара бермоқда.

2 ➤

ФАКТ ВА РАҚАМ

2013 йилда ҳам Давлат бюджетининг ижтимоий йўналтирилганлиги сақлаб қолинади. Унинг харажатлар қисмининг 60 фоиздан ортиги ижтимоий эҳтиёжларни молиялаштиришга қаратилган. Жорий йилда мутаносиб қатъий пул-кредит сиёсатини амалга ошириш давом эттирилади, инфляция кўрсаткичлари 7-9 фоизни ташкил қилади, Марказий банкнинг қайта молиялаш ставкаси 12 фоиз даражасида сақланади.



Муҳаммад АЛИ:

«Навоий ижодининг асоси — инсонни улуғлаш ва адолат»

9 февраль — Алишер Навоий таваллуд топган кун

9 февраль — ўзбек адабиёти дарғаси, буюк шоир Алишер Навоий таваллуд топган кун. Шу кунларда нафақат Ўзбекистон, балки мутафаккир асарлари кириб борган ҳар бир мамлакатда навоийхонлик давра сўхбатлари ўтказилиши анъана тусига айланган. Сўхбатдошимиз Ўзбекистон халқ ёзувчиси, «Амир Темур» халқаро жамғармаси раиси, филология фанлари номзоди, моҳир таржимон, серқирра ижодкор, публицист, «Адолат» СДП аъзоси — Муҳаммад АЛИ билан гурунгимиз ҳам Навоийнинг ижоди ва ҳаёти мавзусида бўлди.



6 ➤

БИЗНИНГ ХУШХАБАР!



Газетамизнинг веб-сайти иш бошлади. www.adolatgzt.uz билан мулоқотда бўлинг.

ҚОИДАБУЗАР ПИЁДАЛАРДАН

жойида жарима ундирилади



5 ➤

